

通城縣志卷之五

建置

城垣

馬道院

衙署郵鋪

營汛關隘

倉舍街市

壇表

祠臺

閣梁橋

亭

塔石路

重門擊柝以待暴客藩籬之設為特重焉通城舊無

城垣前明始建石城

國朝定鼎後屢圯屢修非徒資捍禦而已將以衛國保民永固金甌也至於官衙為出治之區米倉為正供之所穀倉為備荒之需與夫祠壇以致祭街道以成肆坊表以旌閭類皆王政所關民生所急非司土者

通城縣志

卷五

建置

一

所宜有興而無廢者哉

城垣

縣治舊無城東北臨溪西南枕山盜寇可虞明成化二年知縣杜敏於四街築門設警萬歷甲戌知縣簡廷仁繚以土垣癸巳巡撫都御史李請帑建石城知縣趙廷儼承修廣袤五百零五丈計二里八分工料銀七千四百二十五兩址闊一丈二尺頂闊九尺脚石四層腰磚頂石女牆高三尺堞口八百有奇共高一丈七尺五寸四門捲石洞上豎樓三間戊戌冬竣

邑有城自此始戊申夏霖雨傾圮知縣楊浩修葺崇禎癸未賊張獻忠破縣敵樓罄燬

國朝順治己丑連雨盡傾知縣盛治毛鍾產疊修復圮康熙乾隆年間知縣吳國瑞陸昌齡再修又圮查縣城西南北三門均按方向惟東城在東南隅乾隆庚申年移向正東嘉慶己未年紳士葛雄圖等仍改復舊建敵樓西南北三城亦粗爲補葺城門僅堪啟閉土垣殘缺可以跂行出入道光辛丑冬崇逆糾眾由城缺入士民護知縣李壘出城逆黨大肆劫掠城署

通城縣志

卷五 建置

二

公所毀壞殆盡壬寅正月官兵大集其黨始散制軍裕督兵駐崇臬憲郭駐通安撫以荊州府經歷俞昌烈權縣事時府憲明隨臬憲在通見城垣坍塌首先捐廉百兩勸修有邑增生李佳鵠願獨修東城監生黎瓊道修西城州同職黎政璽修南城武生王家樂修北城以府憲所捐銀改修書院詳學志接任知縣林逢年督修又於四城街市添設馬道柵欄監生傅協中承修城內營房四座城上窩舖十六間

城門

東曰賓陽門城樓一座

西曰樂成門城樓一座

南曰引薰門城樓一座

北曰拱極門城樓一座

咸豐四年粵匪廖二踞城將城樓堞口營房窩舖盡毀十年知縣傅詩勸修城樓堞口所有窩舖營房尙待修葺

馬道

查舊志載城內東門學前正街一節無馬道自約所

通城縣志

卷五

建置

三

前抵南城下寬七八尺不等出南門街口寬五尺南門歷重義倉泊城隍祠俱無馬道至隆平寺城下五舖寬八尺抵西門西門抵北門至新興街城下無馬道新興街下抵東門俱寬七尺城外東門至南門寬七尺出南門街口狹不能容蓋南門線街一丈二尺折而西至西門抵北門俱寬八尺出北街口寬五尺北門從橋頭歷河岸民塘俱寬四尺沿城至東門俱寬七尺東門外小街寬一丈二尺年月久遠多被居民侵占復因城圯未及清查自壬寅年修城後知縣

俞昌烈林逢年飭諭四城內外均空出地八尺以爲馬道居民不得侵占永著爲例

縣署

明洪武年間知縣馬極建三十餘間有記詳藝文成化

三年知縣杜敏重修萬歷三年知縣簡廷仁於堂左建戒石亭一座土地祠一間架閣房三間堂右建幕廳一間榜房一間外庫房一間楚南名邑坊一座儀仗庫一間旌善亭一座石庫樓一間十四年知縣劉棟於儀門外建迎賓館三間崇禎年間知縣趙三台

通城縣志

卷五

建置

四

建東西糧房各三間每年里長於內納銀明季兵燹蕩毀過半

國朝順治年間知縣盛治建正堂一間後堂一間敬信堂一間東西吏房各六間東西皂壯房三間儀門三間東西角門各一間頭門三間東馬房一間又於九年建縣衙正廳三間望街樓三間左右書房各三間廚房三間東西馬房二間十三年知縣毛鍾彥因前任以民居爲獄室卑穢迫人犯多病創立新房廣其前制後漸傾圮乾隆三年知縣陸昌齡重修正堂及

頭門二間又於儀門內建吏戶禮兵刑工承發七房
於頭門內東邊建倉儀門外建獄獄神廟一所獄房
下邊斑房二間乾隆四十五年知縣張其章修大堂
有記詳藝文道光辛丑冬遭崇逆劫毀知縣愈昌烈先
後補葺舊建規模詳列於后

頭門外照牆一座今存以下盡毀

頭門一座 門東房二間 門西房一間

儀門一座 儀門外東邊班房四間上下抵倉

儀門外西邊監獄一所房六間 神臺一座

通城縣志

卷五 建置

四五

儀門內東上大堂左側土地祠二間兼奉蕭曹二神

儀門內西邊三班廳前後房六間

三班廳前科房前後一十六間監生胡構隆修

科房下班房三間上底科房下底監房

大堂一座 堂東鼓亭一間 聽事房一間 堂西
房四間

宅門一座 門內東西門房各三間

二堂一座知縣俞昌烈額題敬慎堂 大廳一間

東西房各一間 二堂東圓門外庫房一間北上廚

房五間 又上衙神廟一座 二堂西圓門外花廳

一座房三間

額題春煦秋陰之館知縣蔣灃建

花廳後坐西前後房六間上坐北幕房五間

三堂一座

俞昌烈額題復新堂

大廳一間 屏後房

一間 東西前後房各二間 東邊牆外房八間

四堂一座 大廳一間 堂東西房各二間

咸豐三年土人滋事入城燒燬街市延燬縣署知縣

鍾榮光勸捐補修四年三月逆匪廖盡行燬拆尙待

建修

通城縣志

卷五

建置

六

縣丞主簿明正統元年缺裁官署無考

典史衙舊依縣堂後圯典史歷債民房乾隆甲申年

知縣明福請帑委典史陳躬圭承修改縣署頭門西

舖司所建廳房三間住房三間廚房一間馬房一間

頭門一座班房一間攢典房一間道光辛丑冬崇逆

毀壞知縣俞昌烈典史王肇璜修葺詳列於后

上重廳房共三間 左邊廚房一間 中重廳堂一

間 左右書房各一間 儀門一座 左攢典房一

間 衙後空廠抵民房衙左空廠抵監獄監獄後巷

一條寬三尺直出東門正街

咸豐四年三月逆匪廖二踞城盡行燬拆尙待建修

陰陽學 在縣西三十步後改頭門外右側今廢

醫學 在縣東三十步後改頭門外右側今廢

布政分司 在縣南八十步後圯被近處人占墾嗣

清出歲收地租銀一兩爲 城隍祠香火之資

舊志

今仍失業

按察分司 在縣東十步雍正四年知縣李玠改建

爲學宮

舊志

通城縣志

卷五

建置

七

儒學 另詳學校

營汛

雍正七年始設駐防於通城屬武昌城守營標初汛

無公所兵僦民房康熙五十年知縣吳國瑞建四城

樓房各三間兵得分住後樓毀乾隆九年請帑三百

兩建造營署知縣楊洛同教諭楊仁訓導邱良驥邑

紳吳開澄等查出縣署後黃華堂側原有營署官基

建茅房十三間中爲官署旁爲兵房乾隆二十五六

年間霪澇房頽僅存三間二十八年知縣七十留銀

三十兩交接任知縣明福興修道光辛丑冬被崇逆
毀壞知縣俞昌烈外委魏金富請帑重修詳列於后
頭門一座 二門一座 左右房二間
廳堂一間 堂左房一間 右房一間 後房三間
廚房一間 照牆一座

咸豐三年土人滋事入城延燬四年逆匪廖二踞城
盡行燬拆尙待建修

演武廳 在教軍廠明時建後爲流賊張獻忠殘毀
僅存石腳道光甲辰年於教軍廠中砌石三層爲廳

通城縣志

卷五

建置

七

基今存廳尙待修

教軍廠 在拱北橋東北半里塔下星華二寺前南
至雋河北至演武廳舊石脚後東齊塹舊志

武備源委說附

通邑非巖疆也唐憲宗元和時於唐年縣西南境銀
山之北置通城鎮守以首領文員至宋神宗熙甯五
年析崇陽縣之二十二里陞鎮爲縣宋高宗紹興初
楊么倡亂勾誘衡寶永郴山獠恣肆虜掠迨岳忠武
平楊么而山獠殘孽竄伏大山密箐通城地界相連

之龍窖山尤爲窟穴理宗寶慶間猺種漸蕃遇歉出掠遂設千戶長駐通元降爲百戶至明缺裁

國朝康熙十三年吳三桂踞岳州蒲圻路梗大兵取道通城通境處處安塘時爲極衝巨鎮己未吳逆平裁撤各塘留有宣守備駐防數年復撤以武昌城守營外委把總帶兵十二名駐防雍正六年臬憲王拏解刁生王某經崇陽境被其黨搶逃復撤把總易以城守營千總駐劄彈壓乾隆二十九年 上憲以通邑邇來民馴蒲圻驛站長外委權輕難於鈐束遂調通

通城縣志

卷五 建置

九

城經制千總駐蒲圻調蒲圻外委千總駐通城嗣改爲駐防外委同縣民壯防守城池倉庫禁獄乾隆二十八年冬吏部尙書陳奏准通行城守營兵與捕役同緝盜竊道光壬寅崇逆平後易以把總添設守兵八名其外委一缺改駐崇陽縣洪上共額設民壯十八名每遇霜降祭旗燾演武事工食由縣支發

數詳田賦

倉舍

廣惠倉

按宋韓琦請留沒入戶絕田不鬻募人耕而收其租

以給老幼貧疾謂之廣惠倉後王安石立新法鬻廣惠倉田以爲青苗錢本惟知利國不知利民一廣惠倉也由魏公而置由安石而鬻相去奚啻千萬哉通城廣惠倉九間向在縣署西科房後今廢

社倉

按朱子社倉法制宋乾道年間朱子居福建建甯府崇安縣之開耀鄉時太樸與進士劉如愚勸民發粟減值賑濟里人獲存俄而盜發浦城縣人情大震藏粟亦且竭朱子以書請於知府徐公貸常平倉米六

通城縣志

卷五

建置

十

百石餓民以次受米遂無饑亂歡聲動於旁邑及秋王公淮來代守建甯府適大有年民願以粟償官王公曰歲之豐穰不常其留粟里中而上其簿籍於府倘後艱食可無搬運之勞由是夏借粟於倉冬則加二息計米以償遂立法歲一斂散收息什二卽不欲者勿強歲少饑則弛半息大饑則盡蠲之著爲例又以粟分貯民家於守視出納不便乃捐一年之息爲倉三間以貯之十有四年將原米六百石補還府倉其現管米三千一百石則累年所息也申本府照曾

永不收息每石止收耗米三升以此一鄉五十里內
雖遇凶年人不缺食朱子又奏請以其法推廣行之
天下令隨地擇人隨鄉立約申官遵守實爲久遠之
利宋孝宗隆興八年下朱子社倉法於各路以十家
爲甲每甲推一人爲甲長五十家推一通曉之人爲
社長其逃軍及無行之士與衣食不缺者並不得入
甲其應入甲者又問其願與不願願者開具一家大
小口若干大口一石小口五斗五歲以下者不與置
簿以貸之其以濕惡米粟不照實還倉者有法以治

通城縣志

卷五

建置

十一

之此社倉之法通百世而無弊者也然里社不能皆
得其人如朱子者以主之又不能皆得其人如劉如
愚父子以爲之助則其成此倉也蓋亦不易矣

皇上日知薈說曰常平社倉之說均貴乎得人然常平在
官社倉在民在官者法立而事權畫一在民者情私
而弊竇叢生其理易明也且天下州縣不過千數百
而州縣中村社何止數萬求千數百賢能之人猶難
而況數萬乎使州縣皆得賢能之員察民之灾而先
爲申報當民之饑饉而卽行賑貸則常平之粟固足

備而常平之利亦無窮社倉雖有利亦何必行之哉
上諭宋曾鞏議賑之說曰必也藏富於民藏穀於社使饑
荒有濟水旱無虞此又在爲政者平日經畫之得宜
耳舊志

社長議附

雍正年間楊督憲奏准建設社倉本未雨綢繆備荒
周急善政也但建議於各州縣選殷實戶舉充社長
司其散歛奈謹畏殷實戶百計規避不肯承認牧令
始將粗給之戶遷就簽掌此等人民侈約不齊牧令

通城縣志

卷五

建置

十二

實心體國子民者少又不遵照原議定限三年更替
交盤俾水落石出虧缺易補顧漫不經心姑容永充
侈肆社長見穀盈廩庾視同固有歲將社貯託稱已
谷罄空加三權息另捏親暱借名放三存七三升作
耗七升償息僞簿呈官每歲賺息不貲私幸橫來天
財服食宴飲驕奢浪費不十數年間谷耗家素又恐
司倉胥役稟報委員盤查每年每石潛給陋規四五
分不等分賂胥差箝口並稟免委盤之需因循十餘
載天道報施半累產鬻貲空迄穀本無着狡將故廢

愚民串同胥役誣欠搪銷而社本半歸烏有矣此原
議社長必須願充股戶三年更替流弊也夫以民間
義捐備荒之穀竟致大資社長胥役蠱串乾沒花銷
遇荒莫備况致穀虧捏欠差擾無辜愚民澤未沾而
害且倍之質之議社初意大相戾矣惟有變通三年
更替成議每歲九月終冊查秋糧五石以上士民無
問願充興否彙名書簽實筒牧令親掣輪掌一年卽
掣更替交盤則年清年款谷自無虧善政濟以良法
自可久可溥矣或謂籤不願充託故辭卸則嚴諭以

通城縣志

卷五

建置

十三

身亭樂利

皇恩應報任卹族鄰義分應然違者有刑禮律昭垂况止
一年暫勞又非久累兒孫倘再怙抗不承卽予杖押
勒充亦不任不卹應得之刑也然必實心任事體國
子民之良有司始可議行此法否則浮滑官場畏煩
偷安縱狗吏役太阿倒持此法不免始循終廢善政
仍翻成厲階矣

舊志

按通城自順治康熙年間社倉之法尙未廣行至雍
正五年惟震宮圖原貯社穀五石雍正十二年奉

驛守

憲並知縣孫斯璲暨九宮圖士民共捐社穀三百六十五石七斗八升乾隆二年奏撫憲楊捐穀五石節年出放至乾隆十五年底共收息穀二百七十六石零九升零乾隆十五年申明獎勵等事案內奉巡撫唐綏祖檄飭勸捐社穀據士民捐貯穀七百九十石六斗乾隆十六七八等年共收息穀一百五十七石九斗四升七合九勺二抄五撮零乾隆十八年據士民續捐息穀一十二石三斗八升八合乾隆十九二十兩年出放共收息穀四十四石八斗九升四合五

通城縣志

卷五

建置

十四

勺乾隆二十一二三等年出放共收息穀二十一石七斗一升二合六勺五抄內除給社長修倉折耗穀三十六石五斗一升三合八勺實八十五石一斗八升八合八勺零以上舊管穀一千七百四十二石九斗一合零新收乾隆二十四五六等年出放除給社長修倉折耗外實收入倉息穀三十五石三斗八升六合一勺乾隆二十七年奉文出放穀一百六十一石應收息穀一十六石一斗開除乾隆二十六年奉文飭較社斛斗升動用息穀六十六石乾隆二十七

年除給社長修倉折耗穀四石八斗三升實計九宮圖共貯本息社谷一千七百二十三石五斗零七合四勺九抄五撮五圭一粒四粟一顆六糠分貯各社倉付九宮圖社長經管

舊志

按社倉一條創自朱子乃救荒之善政然社倉在民情私而弊易生上下稍不得人則徒厲民而荒仍無以救通邑自雍正迄乾隆年間漸次奉行至咸豐四年賊匪滋事四鄉賊擾社穀焚搶其出放收息開除實在各款因案卷被燬無從查核後奉札飭查據承

通城縣志

卷五

建置

十五

辦倉書稟稱社穀除焚搶外尙存二百六十石零在四鄉各圖聲明有案現值兵燹後諸廢待舉似宜民力稍紓始行建社倉選社長斟酌要規力絕諸弊斯善政可復焉耳

便民倉

倉以裕國亦以利民相水陸之宜爲規建之制是在長民者善爲經畫焉通阻山谿之險南兌二糧向艱於搬運明萬歷三十六年邑侯楊公創建於縣北二十里星橋鋪轉運兩便教諭徐應斗爲之記

詳藝文

後罹兵燹僅存牆垣屋基迄

國朝定鼎以來屋基牆垣聽士民居住未及重修

舊志

常平倉

漢耿壽昌奏請令邊郡築倉以谷賤時則增價而糴以利農穀貴時則減價而糴以利民名曰常平倉又按魏李悝平糴法中饑則發中熟之所斂大饑則發大熟之所斂而糴之故雖遇饑饉糴不貴而民不散通城常平倉在縣堂東邊土地祠前磚倉八間列時和年豐民安物阜八字號至二門內止縣堂西邊磚

通城縣志

卷五

建置

十六

倉三間列大有秋三字號其常平倉一十一間共貯穀九千五百五十二石六斗七升自順治康熙年間歷奉捐買倉穀額貯四千石春夏減價糴穀收銀秋冬增價糴穀補倉循行穀貴傷民則減價以平之穀賤傷農則增價以平之此安民勸農之良法萬世常平也且屢年糴舊糴新穀無陳腐朽爛之耗市無高擡時價之弊惜倉穀未豐不能惠徧山陬自雍正三年起至乾隆十三年底各官捐穀六十九石四斗士民捐穀三十九石五斗六升雍正四年奉 文領帑

買穀四千石乾隆二年奉 文添買穀一千九百五十九石四斗四升雍正三年起至乾隆二年底常平倉穀共六千零六十八石四斗內除欽奉

恩詔事案內乾隆元年賑給鰥寡孤獨貧民動支倉穀五十石外實存穀六千零一十八石四斗乾隆十四年奉 文飭照雍正年間定額將溢穀二千零一十八石四斗於乾隆十四十六兩年糶價解交藩庫獲批在案又重農積穀等事案內乾隆十七年知縣梁永甯捐穀五石於乾隆二十四年變價解交藩庫獲批

通城縣志

卷五

建置

十七

在案又欽奉

上諭案內乾隆十七年截留漕米易穀二千三百二十六石又貯運局等事案內乾隆二十四年奉 文加貯採買穀二千四百石以上共穀八千七百二十六石又貯乾隆二十六七兩年餘米易穀八百二十六石六斗七升通共貯穀九千五百五十二石六斗七升俱經實貯在倉並據乾隆二十八年六月內知縣七十調任黃陂縣交盤冊抄出舊志 迄咸豐三年土匪入城滋擾倉廩倉穀毀搶無存文卷亦被遺失所有

從前額儲倉穀廢興墜舉因時制宜是所望於後之
良有司焉

惠政倉 今廢

東君 在梓木里塘湖市今廢

重義倉 在南門內西偏今廢基存

西倉 在來蘇里大湖下畝今廢

南倉 在上黃里烏橋上今廢

北倉 在盤庚里沙堆市今廢

以上六倉均係舊志所載頽廢年分失考

通城縣志

卷五

建置

十八

縣署大堂下東穀倉八間 列時和年豐民安物阜號

頭門內東倉門一座倉神廟一間廟東邊房三間西

邊房一間

廟前座南米倉四間 列仁義禮智號

座西米倉四間 列備皆愛戴號

柵欄一座

柵欄內東米倉五間 列國太自民安號

西米倉五間 列風調兼雨順號

中甬道上官廳一座

官廳後穀倉四間

列兆吉呈祥號

又官廳上穀倉二間

列永盈號

二堂前西邊花廳西牆外坐東穀倉四間

列元亨利
貞號

坐西穀倉八間

列乾坎艮震巽離坤兌號

坐北穀倉五間

列昇平慶有餘號

以上各倉均以咸豐四年粵逆竄擾與縣署一併

焚毀無存尙待補建

壇

社稷壇

縣西北一里許宋元時各爲屋社以勾龍

通城縣志

卷五

建置

十九

配稷以后稷配明洪武八年詔天下祭不用配壇

不用屋知縣馬極用石砌壇東西南北各二丈五

尺高三尺四寸堦各三級壇下前九丈五尺東西

南北各五丈週繚以石牆成化十八年知縣胡浚

置祭器萬歷二十五年以建石城侵壇知縣趙廷

儼改建於演武亭前後以西城外舊址尙寬改歸

原處壇北五丈外明季民李木以銀八兩充公買

壇地長九丈九尺廣五丈五尺立塹護其先墳今

石基俱在稱爲北壇道光癸卯年知縣林逢年量

地東西各廣十丈南北各廣十三丈周以石牆高一尺壇用白石高三尺五寸廣五尺深二尺八寸石拜臺並壇外近城窪處不許民人取土致傷壇基每歲春秋仲月上戌日致祭詳禮制

山川壇 縣南半里許東嶽觀後明洪武初知縣馬極建成化十八年知縣胡浚置祭器稱爲南壇道光癸卯年知縣林逢年重建東西各廣五丈五尺南北各長七尺週繚以石牆高一尺壇用白石高三尺五寸廣五尺深二尺八寸石拜臺今圯待修

通城縣志

卷五

建置

二十

每歲春秋仲月上戌日致祭詳禮制

先農壇 在南城外東嶽觀左雍正年間知縣周琪請帑買觀前地前至塹後至溝左至城下路右至觀門建壇道光年間知縣林逢年重建量地東西各廣六丈三尺南北各長六丈五尺週繚以石牆均高一尺壇用白石高三尺五寸廣五尺深二尺八寸石拜臺每歲季春上亥日知縣率僚屬祭

先農行耕耨禮詳禮制

雩祭無壇 乾隆七年奉 部文每歲以四月上辛

於先農壇致祭每遇水旱詣壇祈禱

邑厲壇 舊在城北半里許明洪武初知縣馬極建後圯萬歷二十二年知縣趙廷儼議遷於南門外以厲壇宜近北乃止雍正十二年知縣孫斯璫以壇夾民居喧溷不潔卜塔下高爽地議遷未果道光癸卯年始因其地創建壇牆內外純用白石高五尺五寸深六尺廣八尺每歲清明七月望十月朔致祭

詳禮制

祠

通城縣志

卷五

建置

二一

城隍祠 縣城南門內明洪武初奉詔頒爲命討監察司民城隍顯佑伯知縣馬極創建廟宇景泰二年知縣楊慶重修增塑像判門馬市民置鐘鼓成化二十二年典史羅廣塑六曹六案神像萬歷二十二年知縣趙廷儼置儀仗轎傘

國朝康熙三十年知縣白瑄捐建拜殿上架捲蓬三十四年諭住持鄭創臣募修后宮殿乾隆二年知縣陸昌齡典史朱璋諭捐重修儀門戲臺十四年住持丁如水募石砌東出街道直抵官街口建頭門

樓一座二十八年知縣明福典史孟士元勸捐改
修道光年間南門市民於戲臺前募修雨亭一座
咸豐四年兵燹全毀同治四年邑侯鄭莢會同汛
官吳鏞諭邑紳朱德壽何立中劉步陞勸捐督修
紳耆何時福杜卜吉劉世盤等監修祀典詳禮制
文昌祠 舊在縣北門外拱北橋東明萬歷二十三
年建城以祠基迫城知縣趙廷儼迎入青陽書院
祀之

通城縣志

卷五

建置

二二

外年久漸圯道光丁亥改建

文廟將原基改爲

崇聖宮卽於宮左建堂一間祀

文昌先代創祠於前上建正殿一間左右各一間堂下
中爲甬道左挨廡壁右繚高牆下重廳爲官僚行
禮所大門上鑄以額規模倍舊己亥年紳士雷自
昭等勸邑人葛韻亭捐銀一百兩補修並於下重
建魁星祀之咸豐四年兵燹十年貢生何立中重

修祀典詳禮制

關聖廟 城內舊無專祠祇西城市塑有

聖像又南城外朝宗橋北長廣寺前殿亦有

聖像每逢朔望及春秋暨

聖誕三祭官僚俱於長廣寺內行禮雍正丁未夏秀水

漲發前殿傾頽戊申冬知縣周珙以城外不便寺

且圯捐廉建廟於黃華堂後迎西城

聖像祀之始有專祀乾隆丁卯知縣石爲瑞勸捐於廟

右建

關聖先代祠宇祀

通城縣志

卷五

建置

二三

曾祖光昭公

祖裕昌公

父成忠公

咸豐五年均封
王爵

春秋致祭又創僧房六間千總

李成英葺頭門建神臺乾隆壬申年知縣梁永臨

捐換廟梁甲辰年制軍特臨通捐廉修理委衛守

府職王宏魯監生劉堂萬監修外立大門三座中

豎磚坊鑄以額道光甲辰年重葺咸豐四年兵毀

十年邑侯傅詩勸捐重修正殿一座祀

帝君前重戲臺一座東西房二間後重係佛座舊基改

建後殿一座祀

帝君

三代正房二間廂房二間祀典詳禮制

忠孝祠 舊在學宮東乾隆甲子年改建道光丁亥

重修學宮祠居西齋後祀邑人宋忠臣方瓊明孝

子沈良教唐義士廖忠祠內鑄宋知縣尹仲所製

方瓊殉難碑記詳藝文祀典詳禮制

貞節祠 雍正辛亥年知縣周珙請帑修建祀明節

婦陳江氏

通城縣志

卷五

建置

二四

國朝貞女皮鳳貞祠舊在書院右道光丁亥年改建

文廟將祠基作學宮另於縣署左數十步外建祠經費

皮陳二姓所出兩重兩房前豎石坊一座咸豐四

年兵燹後二姓粗修尙未復舊祀典詳禮制

昭忠祠 東城內同治二年知縣李致勳諭邑紳樊

登雲吳冠春章象泗李德明熊作梅等勸捐監修

育嬰堂 東城內知縣林逢年建後改賓興館今廢

惠民藥局 縣正街二十步知縣褚潭建今廢

養濟院 舊在縣城外西北半里明成化二年知縣

杜敏改建隆平寺右正屋三間男女房各三間每

名月給米三斗歲終綿花銀三錢後廢 國朝同

治二年知縣李致勳汎官吳鏞建北城外房屋三

間

郵鋪

總鋪 縣治頭門左今廢

白馬鋪 縣北十里

星橋鋪 縣北二十里

進口鋪 縣北三十里

通城縣志

卷五 建置

廿五

清水鋪 縣北四十里

石屋鋪 縣北五十里

以上各鋪咸豐七年撫憲胡 奏請裁撤以咸豐

八年正月爲始

關隘

南樓嶺碉卡 巽宮長冲圖嶺南山腰有石亭抵江

西義甯州界距城五十里咸豐十年邑侯傅詩督

局紳傅協中樊登雲吳冠春王德鴻王翼唐黎大

春劉繡文羅廷杰胡理之黎斗三何立中黃旣明

李德明胡述祖杜申錫習永林葛鏡仁熊作梅皮

德封朱德壽章兩照章象四等勸捐創建上有堞

口下有卡門營房三間

苦竹嶺碉卡 巽宮祝壠圖嶺南山腰有石碑抵江

西義甯州界距城四十五里與南樓碉卡相去十

餘里同時創建堞口卡門營房均與南樓嶺全

九嶺碉卡 兌宮九嶺圖距城二十一里由九嶺二

十里抵湖南平江界與南樓苦竹碉卡全時創建

前後碉卡二座上有堞口下有卡門均甃以石

通城縣志

卷五

建置

二六

清福碉卡 乾宮大陽圖距城三十五里路通湖南

臨湘巴陵

永安碉卡 與清福碉卡相距五里許

天岳關 黃龍圖縣東南六十里平江通城接壤要

處咸豐乙卯年建

街市

正街 由南城抵北城舊用亂磚砌甃日久碎陷礫

碓難行

國朝康熙五十二年市民劉鳳兮捐銀一千兩易以石

寬五尺兩旁陰溝亦用石砌自南門至北門外抵拱北橋頭東門由十字街至縣署頭門知縣吳文琦獎功成善果額并贈以聯又立石碑於高街崙十字街 縣署西

西街 縣城西門道光癸卯年居民重修

新興街 舊在縣城西門內黃華堂前今廢

憲街 縣城南門外路通平江昔鄭憲堂居此因名舊志誤線今街尙屬鄭基

苦竹街 舊在巽宮祝龍圖苦竹嶺達甯州路今廢

通城縣志

卷五

建置

二七

十里市 縣南十里

官塘市 縣東二十里

塘湖市 縣東三十里

麻埠市 縣東南三十里

麥市 縣東南三十里

崇古市 縣西二十里

太平市 縣東五里

沙堆市 縣東北二十五里

新安河市 縣東南二十五里

坊表

萬代宗師坊 知縣臧石立今廢

狀元坊 宋狀元楊起莘後嗣於道光乙巳年重建
墓前

勅賜坊 牌樓冲元太守吳元四立

方伯四面坊 在十字街巡撫李御史錢建東匾方

伯北匾總憲南匾文宗爲布政舒大猷立西匾爲
贈封參政舒孟濫郎中參政舒勝禴立

太史坊 中宮上畷圖吳芳櫟立

通城縣志

卷五

建置

二八

樂善坊 樂成圖胡湯占立

節鎮坊 知縣臧石爲舒大猷立

楚南名邑坊 知縣趙廷儼立今廢

丹桂坊 舉人姜惟性立今廢

善教坊 縣治譙樓右今廢

善政坊 縣治譙樓左今廢

恩榮坊 義民盧萬頃立

登科坊 舉人陳天佑立

科甲坊 知縣趙廷儼立

策元坊 舉人吳開澄立

亞元坊 舉人許忠清立

育才坊 縣治東今廢

惠民坊 縣治西今廢

攀桂坊 舉人金諒立今廢

擢桂坊 舉人方瑛立

經魁坊 舉人金璽立

開桂坊 舉人華濱立

興賢坊 在西城巷口明旌指揮將軍李壽四

通城縣志

卷五

建置

二九

賓賢坊 舉人鄧恭立

麟魁坊 舉人何隆立

續桂坊 舉人胡世舉立

策魁坊 舉人程盛泮立

進士坊 劉仕昌立

進士坊 劉紹元立

繡衣坊 劉仕昌立

澄清坊 今廢

肅政坊 今廢

儒林坊 今廢

昭忠坊 教軍廠同治二年爲殉難立

學道愛人坊 北城外咸豐九年紳民爲邑侯夏錫

麒立

百歲坊 計七座

一縣署頭門右 吳寅上立

一縣署頭門左 吳天佑立

一巽宮潤田圖 汪宗漢立

一離宮里八圖 潘德求妻羅氏同媳何氏立

通城縣志

卷五

建置

三十

一縣西門內 劉鳳友妻徐氏立

一乾宮嶺下圖 胡楚英夫婦立

一震宮八叟圖 咸豐二年傅八元立

貞節坊 縣署頭門左皮鳳貞陳江氏二姓子孫立

貞女坊 詳列女志貞女本人名下

節孝坊 詳列女志節孝婦本人名下共二十一座

臺

金沙臺 東墨圖明成化間鄉賓吳伯彰建祀東嶽

大帝

慶風臺 中宮風雨圖過水埠

石城臺 兌宮石城圖

祭雷臺 兌宮石城圖

仙人臺 巽宮黃龍圖

八仙臺 巽宮大白圖

珍珠臺 坤宮錫東圖錫山洞內

石仙臺 坤宮關聖圖王仙洞舊傳仙人王子雲圍

棋於此

閣

通城縣志

卷五

建置

三一

東山閣 東城外明嘉靖閒知縣徐鼎建八方閣於

山頂名爲魁星閣後圯道光丁亥年例貢生盧太

宇重修咸豐四年兵燹同治五年庠生吳楚標葺

修下二重創修上三重

魁星閣 北城外乾隆九年北門士民捐建咸豐四

年兵毀同治四年復修

迴瀾閣 南城外咸豐三年兵毀同治二年眾姓重

修

帝君閣 乾宮白馬圖拔貢李佳燾建內供

文昌帝君

關聖帝君神像

亭

泮水亭 在儒學泮池西今廢

愛蓮亭 在縣東今圯

丹桂亭 在縣東今圯

黃鶴亭 在下太里舊傳有仙乘鶴憩此因名

路亭

附

中宮

通城縣志

卷五

建置

三二

渡頭亭 毛公渡西章伯質建今圯

水閣亭 青山圖黃姓倡修

樊家亭 在樊家店

大路亭 破石圖路通岳州黎國仲捐建

牌樓亭 長堤圖

五斗亭 黎圖村華滾捐建

乾宮

仁義亭 左港圖義立橋下李西作捐修

界頭亭 貢生胡甯兄弟捐建木架

畫涼亭 南團圖今圮

花涼亭 梅林圖黎養純建

五里排亭 石馬圖木架

北港橋亭 石馬圖李元兄弟捐建磚砌

長沙涼亭 引港圖胡姓倡建木架

洪家壠亭 監生李元捐建

坎宮

大坳亭 韓峯圖臨湘崇陽界乾隆元年貢生吳開

治兄弟倡建石砌

通城縣志

卷五

建置

三三

韓家嶺亭 韓峯圖乾隆間吳開治兄弟倡建

桐樹亭 河田圖四脚嶺吳開治兄弟倡建

艮宮

堆山亭 堆山圖眾姓捐建

青草嶺亭 後坊圖眾姓捐建磚砌

大岐嶺亭 茶坪圖眾姓捐建磚砌

震宮

沙堆亭 木架今圮

灣頭亭 灣頭圖盧姓捐建磚砌

菱冲亭 黃泥圖眾姓捐建磚砌

巽宮

河市亭 河市圖

小坳亭 平江界

石柴亭 義井圖

苦竹街亭 祝龍圖監生葛桂林建

南樓嶺亭 長冲圖

七里山亭 路口圖

鯉港涼亭 八方圖

通城縣志

卷五 建置

三四

苦竹嶺亭 義甯州界

槳坑嶺亭 義甯州界

離宮

實善亭 東港圖磚砌

和勝橋亭 和勝圖甄砌

馬鞍山亭 東港圖

黃荆段亭

破石壠亭

坤宮

白沙涼亭 白沙圖聶儒拔捐建石砌

太平橋亭 西坪圖磚砌

壽隆坳亭 乾隆己卯年僧清曉捐建石壘

伯公嶺亭 伯公圖石砌

伏牛嶺亭 大坑圖

三峯嶺亭 三鳳圖楊姓倡修磚砌

文宣橋亭 下堡圖徐學安捐建石砌

黃鶴亭 伯公圖石砌

茅田亭 僧清曉捐建

通城縣志

卷五

建置

三六

清涼亭 清涼圖聶姓倡建石砌

兌宮

伯質亭 樂成圖章伯質建修

大界亭 平江界胡公祥捐建磚砌

尖山橋亭 尖山圖王姓倡建磚砌

壘土坳亭 河源圖徐姓倡建甄砌今圯

馬港橋亭 馬港圖

踏水橋亭 踏水圖

塔

教軍廠文峯塔 雋水西南來繞縣東城北行經晏
家園上青石橋東與秀水合流爲縣治水口昔有
僧滿大於水口星華寺側募建石塔五層高五丈
嗣周湘重修市民周以勝造石佛鎮之石塔近北
今之教軍廠也建修年月失考雁塔穿雲爲八景
之一

銀山文峰塔 山爲縣署學宮面案明成化間建磚
塔於上以象天馬貴人實爲縣治文峰後傾乾隆
辛巳邑庠胡開欽周可畏盧廷翰李元廩生周德

通城縣志

卷五

建置

三四

紘舉人吳開澄州同吳開淇監生黎正煌金逢柱
潘有璜胡雲鵬與道士姚海籌等勸捐重修址仍
舊易以石中實以土高五丈周三丈頂周一尺四
寸年久土漫石圯同治五年邑紳募捐重修
詳義舉
石砌六方周四丈高五丈七尺五寸

水口文峰塔 縣治北城外王家潭上道光辛丑年
知縣李壘集議倡建高七丈五尺七層八方每方
六尺四寸咸豐壬子年經武昌清軍府勞光泰崇
陽知縣金雲門合卜改建中宮輦下圖水口邑紳

王家炳杜彬明劉繡文等監修

橋梁

拱北橋 縣治北門外跨雋水宋咸淳間楊起莘建

莘中寶祐四年進士第二是科一甲十人皆賜狀

元及第故亦名狀元橋詳人物志 初建石墩九孔上

架木板明永樂壬辰圯正統丁巳知縣楊慶修葺

正德初暴漲盡頽塔下寺僧眞成募化洪彥銀杜

萬鳳胡奉吳伯彰陳允鼐倡修勸捐五千餘金仍

九孔圓拱橋面皆甃以石□國朝乾隆二十八年

通城縣志

卷五

建置

三八

舉人吳開澄監生胡運泮胡世賢杜世守黃國安

黎元明生員李開洪毛逢明毛洪德章旋凱耆民

胡維甯吳芳洛僧圓安加甃石一層護以石欄嘉

慶二十三年合邑士民捐葺完固姓名勒碑橋畔

朝宗橋 縣治南門外一名朗橋跨秀水洪武中主

簿白翥建後圯萬歷間僧海清募化市人羅南喬

石砌三孔 國朝雍正丙午五月暴漲冲去橋岸

土深廣丈許知縣李玠諭市人傭工填築乾隆庚

辰暴水湧去二墩市民吳天遇吳日昇等募修旋

圮嘉慶十二年監生王雄雋等勸捐修理如舊

顧公橋 縣治東門外團山閣下明嘉靖間都御史

顧璘建後圮 國朝康熙間貞女皮鳳貞補修復

暴漲殘傾二孔監生吳家倡葺又經庠生杜君美

倡葺乾隆四十一年皮尙南加葺道光丁亥夏蛟

水暴漲片石無存生員皮立之等捐修移置下流

同治三年五月水溢復圮監生皮光照章必從勸

捐修葺

青石橋 北城外橋有二一在胡家舖上今涸一在

通城縣志

卷五

建置

三九

晏家園溪口離城里許達省孔道

松岡橋 東城外橋有二上在八廖圖下近東閣圖

明萬歷間王松岡建

星華橋 北城外拱北橋右

下洪橋 南城外觀蓮白沙二圖溪口乾隆二十年

道士姚海籌募建

中宮

石潭橋 石潭圖明隆慶庚午吳石潭石泉黎允椿

倡建乾隆丁丑貢生吳讓作等修葺道光丁亥年

水漲傾圮庚子年吳振漢吳廓寰吳膺組吳象玉
吳觀雲補修

賽公橋 石潭圖通岳州大路明萬歷間黃贊華建
雍正間裔孫黃旦升等補修

印墩橋 明時建乾隆庚辰監生胡鵬民倬雲李文
漢補修

大佛橋 鷹柴圖路通巴陵李壽南倡修

黃笙橋 黃笙圖明章萬立建裔孫景光重葺

萬興橋 鷹柴圖乾隆時李萬卷等倡修

通城縣志

卷五

建置

四十

上西橋 石潭圖通岳州大路乾隆中吳英升建

永鎮橋 長堤圖生員黎明新民戴欽鑑倡建

大堰橋 長堤圖黎明新黎朝璧倡建

大興橋 風雨圖乾隆年間修

永福橋 白米圖南北通衢

陰山橋 仰山圖通岳州大路

賀家橋 梅港圖通岳州大路

樊家橋 樊店圖通岳州大路

大陂橋 甫田圖

謝家橋 柳石圖

梅港橋 梅港圖

章家店橋 馬耕圖

邱家橋 樊店圖

大佛寺前石橋 鷹柴圖

大界下石橋 鷹柴圖

黃沙港石橋 風雨圖

牌樓橋 馬畝圖

馬坑橋 馬坑圖

通城縣志

卷五

建置

四一

李婆橋 黃桂圖 以上三橋俱黎宗寶建修

乾宮

北港橋 白馬圖路通岳州明時建雍正辛亥章伯

質倡葺乾隆甲申庠生李元母佘氏重葺道光己

酉山水衝塌庚戌年李佳鵠叔姪捐貲重修

繼先橋 柘林圖監生李慄奉同弟東美於道光癸

巳年建以父審端先有此志故名

命囑橋 左港圖乾隆壬午監生胡湯占遵父周新

遺命捐建

南團橋 宋時建乾隆己卯胡仁隆孀妻黎氏雲英
捐葺一名雲英橋

三宮橋 引港圖宋時建乾隆間僧廣千募化補修
灌口橋 北港圖乾隆甲申李元母佘氏建修

李璧橋 北港圖乾隆甲申李佘氏建修

虎炭橋 北港圖乾隆甲申李佘氏建修

莊前橋 引港圖乾隆壬子監生李松颺倡建

添壽橋 方段圖李佩環室人胡氏建修

上新橋 南潭圖胡黎氏建修

通城縣志

卷五

置建

四二

楠木橋 界頭圖路通岳州宋時孟姓倡建

永安橋 白馬圖胡玉吾公嗣孫建修

楓樹橋 柘林圖監生李慄奉建修

雙港橋 嶺下圖雍正間庠生胡仁捐建

義立橋 左港圖乾隆癸未李西作倡建

仁從橋 左港圖乾隆癸未李西作倡建

槎平橋 嶺下圖乾隆年間胡楚英捐建

添壽橋 南罐圖袁鄧氏建修

南港橋 柘林圖監生李審端建修

畢公橋 庄前圖路通崇陽

清溪橋 方段團山二圖同治三年眾姓建修

濠源橋 嶺下圖胡楚英建

團山橋 團山圖李胡氏建同治三年水圮李慄奉

補修

左家橋 橋樓圖左姓公建

長沙橋 引港圖路通岳州

沈家橋 南團圖

水口橋 左港圖

通城縣志

卷五

建置

四三

雙港二橋 大陽圖

逢橋 庄前圖

坎宮

石屋橋 明萬歷間吳效季倡建

萬福橋 仁義圖乾隆二十年州同吳開洪等倡建

張壠橋 普安圖康熙時胡鳳章君喜吳亦愚建

黃泥橋 鐵坪圖乾隆壬午吳開淇吳梅友捐建

青茅橋 倉灣圖路通岳州監生吳芳樂捐建

楊源橋 楊源圖乾隆二十三年胡春南捐建

西坑橋 韓峯圖監生吳芳芬李海春捐建

成化橋 成化圖明成化間監生胡一亨修

鄒家橋 楊源圖乾隆初僧曉月募修

橫沙橋 倉灣圖乾隆甲戌年謝姓倡建

櫟坪橋 長冲圖雍正間黎對升建

石板橋 長冲圖乾隆甲申眾姓建

井欄橋 井欄圖陳昌齡倡建

廟背橋 平山圖乾隆二十五年吳開淇捐建

黃坊橋 鐵坪圖吳芳櫟捐建

通城縣志

卷五

建置

四四

普安橋 普安圖明寺僧募修

水口舖橋 普安圖乾隆二年貢生吳開治倡建

上井欄橋 楊源圖乾隆癸未鄭壽山胡甫山胡天

木倡建

沙口橋 百花圖上通岳州下通崇陽咸豐元年職

員吳有文吳貴成耆民吳萬林湯爻六等募修

雙港橋 河田圖道光年間吳信萬吳春林募建戊

申年水圯待修

黃源橋 韓峯圖李姓建

羅港橋 下灣橋 花墩橋 田樓橋 以上四橋

監生胡一亨建圖分失考

艮宮

毛公渡木橋 下闊圖庠生杜美菴蓋庵兄弟創修

後嗣維良遜作承修二百餘年故亦名維遜橋後

圯兩岸居人助修

水口舖木橋 下闊圖監生杜孔懷建至今子孫世

修

楮樹溪上下三橋 大溪圖王天文建

通城縣志

卷五

建置

四五

堆山橋 油壠圖乾隆丙寅吳勝邦等修

大陂橋 下闊圖乾隆己卯吳勝邦等建

鳴宇橋 大源圖明廩生周鳴宇建

大源橋 櫟坪圖乾隆間羅宗璜等倡建

石橋 南塘圖乾隆己卯眾姓倡建

柘橋 下闊圖路達省城

後坊橋 後坊圖明時建

堆山橋 堆山圖明時建

震宮

永安橋 大源圖增生盧且梓建嘉慶癸酉嗣孫庠
生盛苞貢生盛莪補修

靈壽橋 沙堆圖道光庚寅年聚姓建監生吳藻榮
等督修

楓樹橋 移風圖明時眾姓建庠生盧屏南重修

泉灣橋 正新圖盧慎斯占六吉言步雲葺修

天霽橋 南塘圖增生盧大照倡修其孫重葺

萬家橋 桃源圖順治年間金杏池修

楊臘橋 灣頭圖盧逢舟建其孫補修

通城縣志

卷五

建置

四六

靈普橋 義口圖康熙時金仲英建修

小井橋 石冲圖吳楚通衢宋玉書建

桃灣橋 移風圖監生吳揚衡修

新麻橋 正新圖監生盧逢舟建

橋頭橋 橋頭圖明時張姓建

杉樹橋 灣頭圖盧卓公修

福德橋 八叟圖鄧純安修

福星橋 楊藪圖眾姓建

白沙橋 平坳圖

巽宮

逍遙橋 竹壠圖明吳逍遙建年久就湮咸豐四年

職員何鐘鳴羅香翰監生葛隆升儒士劉均和葛
殿元重修

平心橋 盧石圖縣東四十里通江右要道乾隆五
十八年王觀朝建修同治五年其孫斐臣全弟姪
復修三眼高二丈餘

廣濟橋 南樓嶺下長冲圖監生吳左青鄉賓何憲
田等倡修

通城縣志

卷五

建置

四七

楓蔭橋 山陂圖葛鳳台葛龍書葛雄蕃葛相漢等
倡建

南虹橋 港下圖咸豐七年眾姓創建

集福橋 竹龍圖劉受唐建修

關山橋 南興圖庠生吳楚標創建

福星橋 鯉港市後咸豐三年建

三賢橋 龍印圖同治四年建

秀姑橋 燕窩圖貞女秀姑建

龍印橋 龍印圖

李星橋 修竹圖

福德橋 路口圖

大陂橋 八方圖

里星橋 塔嶺圖

百祿橋 港下圖

白馬橋 大窩圖

板橋 塔嶺圖

九步橋 山陂圖

離宮

通城縣志

卷五

建置

四八

古港橋 油坊圖張淑能建乾隆癸亥後嗣庠生世

家等葺修

十善橋 東港圖路通甯州康熙間聶儒拔修

和勝橋 和勝圖路通甯州明時建上有亭

一關橋 中白圖魏翰台丁石平倡建

上龍眼橋 新灣圖明萬歷間吳王二姓建

下龍眼橋 新灣圖

上虹橋 白沙圖康熙間姚繼舜建

肇秀橋 上堡圖康熙間潘升吉建

大坑橋 中堡圖庠生方卽元倡建

三元橋 卽戈家橋吳朝熙等建

萬壽橋 貞女吳丑貞建

水興橋 水興圖眾姓建

軒然橋 吳軒翥修

砥柱橋 上堡圖州同職潘樹人募建後圯職員曾

敦和兄弟重修

神人橋 上堡圖潘姓募修

東港橋 東港圖

通城縣志

卷五

建置

四九

道上橋 中堡圖同治四年創修

坤宮

兼萬橋 乾港圖乾隆年間黎兼萬建

純也橋 乾港圖乾隆年間王純也建

萬家橋 茅田圖萬歷年間何姓公建

三星橋 下堡圖徐文宣建

新橋 下堡圖徐文宣建裔孫禹書重修翰爽補

修徐學菴建亭於上

硃沙橋 茅田圖初係拱背後圯改石板

長板橋 寶積圖道光癸卯年修

太平橋 東平圖路通甯州同治四年貢生王茂三

縣丞王德符王錫九補修

三峰橋 三鳳圖楊姓倡建

成港橋 沙段圖胡錦福建

渭水橋 三鳳圖姜周裔建

鄭家橋 白沙圖

神壇橋 西平圖

安樂橋 西平圖

通城縣志

卷五

建置

五十

石塘橋 伯公圖

楊泗橋 三鳳圖

三埠橋 沙段圖

蔡和橋 東港圖

十善橋 東港圖

洞仙橋 錫東圖

楓樹橋 錫東圖唐梓冲

石板橋 團山圖

樂善橋 東嶽圖道光己亥年眾姓捐修

張仙橋 關聖圖

新橋 沙段圖明時建

仙境橋 易段圖

全福橋 雙港圖百丈潭下初名雙港橋嘉慶道光

年間監生楊霽堂父子三次捐修同治三年傾圮

五年其孫楊桂初等募修石砌拱橋

兌宮

馬港橋 馬港圖古建明徐昊倡修兩岸乾隆初章

伯質全眾姓倡葺越庚辰暴漲水西決橋涸

通城縣志

卷五

建置

五一

招賢橋 一名靈官橋宋景定時黃子賢建乾隆間

楊品乾楊名顯楊子常等倡建

相公橋 踏水圖明嘉靖時創建乾隆戊辰楊名顯

修葺

何堡橋 中段圖明時建道光七年水圮十九年孔

墨林等倡修

壘土橋 九嶺山下明時建道光二十七年改爲木

橋路通平江

聚秀橋 仙人圖橋下有巖石泉滴瀝名滴水巖

三埠橋 靈官沙段二圖路通平江

水井橋 靈官圖明時建楊登幹兄弟補修

三公橋 踏水圖乾隆二十九年陳仁山等修

萬壽橋 踏水圖乾隆丙子年楊名顯建

李壩橋 遙廣圖黎宗寶建修

佛坳橋 中段圖路通平江

過水埠木橋 中石坪圖李時芳修

一渡橋 九嶺圖路通平江

尖山橋 尖山圖明時建

通城縣志

卷五

建置

五二

佛柴橋 踏水圖明時建

踏水橋 踏水圖明時建

百福橋 踏水圖明時建

何堡橋 何源圖

烏橋 樂成圖後改木橋

砦

東門砦 雍正初監生吳家鵬倡建

續家砦 南門外乾隆丙子續良軒等重修

菖蒲港砦 東門外嘉慶辛酉年眾姓建

劉公棨 錫東圖州判黎正煌捐建

八仙臺 大白圖乾隆年間監生葛行瑤建

傅姑墩 楊藪八方二圖明時建眾姓補修

左右灘 巽宮中旺圖庠生吳楚標建

株樹潭 青石圖葛康侯倡建

五里牌 錫東圖今湮

龍 龍灣圖路通平江舊有橋後圯乾隆二

年貢生吳開治捐建

油坊 油坊八叟二圖明時眾姓建後補修不次

通城縣志

卷五

建置

五三

車田 龍灣車田二圖乾隆庚辰年眾姓倡建

燕窩 燕窩圖乾隆初生員羅萬河同族建修

沙坪 沙坪圖新安港明時吳姓建

石陂 雲溪中堡圖灣裏港康熙年間監生李先

齊捐建

河市 河市水西二圖路通甯州

萬福 踏水圖楊名顯倡修

河田 安田圖葛景朝倡修

印墩 坎宮鐵坪圖吳姓建

河澄陂缸 巽宮大源圖同治五年職員何吉常母
杜氏重修

龍岡陂缸 巽宮大源圖同治五年何姓公修

田東缸 田東圖

箬溝缸 塘湖港下圖

石路

馬鞍山石路 雍正年間聶儒拔捐修三百丈後王
有辛等補修

十善橋至太平橋石路 道光年間監生王毅貽修

通城縣志

卷五

建置

五四

南樓嶺坳上石路 吳左青何引標何憲田何謙若
等募修坳下眾姓捐修

七里山至石柴頭石路 庠生鄭連三童生葛道中
募修內何寶林子監生力田修二百丈

龍冲口石路 乾隆初生員習可程捐修

鄧家嶺石路 吳能文修砌二里許

南樓嶺石路 葛遵海捐修里許

苦竹嶺至苦竹街及增市石路 劉無名氏修

南門外至黃泥坳石路 咸豐年間貢生何立中修

九嶺圖九嶺石路 從山麓至頂監生徐岱巖捐修

北城外麻糍畝石路 衛守府黎均洩修

茅坪畝石路 黎姓公修

高冲至鯉港石路 貢生鄭富有職員譚占奇募修

馬鞍山石路

西城外石路

潤田石路 耆老汪三成修

黃龍山大小坳至何段左右灘石路 計十八里許

眾姓募修

通城縣志

卷五

建置

五五